

桐城東河治畧

地712.3
184



例 圖

○ 集鎮	湖泊	河流	山脉
低灘地	高灘地	圩埂	大閘



桐東建開疏河始末記上

桐城東南兩鄉地大而山澤獨巨其地外江內湖久成澤國與西北特殊田園湮沒民生不聊而東鄉尤甚考東河之水自廬西大凹山分二派其東會平頂山之水出廬江羅昌河又東會龍城山之水出觀音壩又南會李家塆與柳峯西北之水並出石溪錢家橋者位羅昌河之西當縣城入東要津其水出大凹山爲南派會浮山之水爲麻埠河以並達石溪者也麻埠西南曰女兒橋曰老人橋曰會宮其水曰獺橋湖會石溪河並柳峯東南項上舖諸水皆以烏金渡爲關鍵烏金渡者兩山壁立若巨門白蕩湖以上之鎖鑰也烏金之下曰白蕩湖東會鰲山寨嶺湖又北會桐廬分水嶺九曲口白雲岩牡丹尖諸水南出烏石嘴白蕩之西曰拔茅山其南曰安鳳嶺安鳳之西曰欄杆橋又西曰焦嶺焦嶺東南曰龍潭橋其東南山之大者曰上青山又東曰麻埠山曰周家山巢山曰山山自拔茅山至西山上下數十里其水會爲竹子湖與白蕩湖合而北出於長山頭自周山至長山頭下都三十餘里居民皆築堤爲壑截立江湖之間長山頭者北與烏石嘴相撐柱白蕩湖之門戶也白蕩湖爲上游總匯縱橫數十里煙波浩渺洲渚不生故其名獨著白蕩湖以下水分二派而洲渚以多其北河自烏石嘴東下合石馬嶺鶴鳴山諸水出方家倉吳家嘴會大河又北牛角尖以南諸水出封家山龍頭山與大河會又北黃蘗嶺日落石諸水出橫埠河至九兒潭與大河會九兒潭者其岡阜南逼大河與烏泊圩對峙白蕩湖下中權之鎖鑰也其水於白蕩湖爲北派其南河則自長山頭南下遶琵琶山北派復自吳家嘴分派遶琵琶山會南河抱雙溪古鎮

今名湯家溝雙溪者其南曰陳家洲爲濱江外障西則鳳儀天馬諸山水入焉南派既合遶雙溪東趨源子港出王家漭入江源港之西又別派北趨李家溝至九兒潭與北河合其間河流四匯如玦無端所謂雙溪也道光二十年前令史公擇雙溪西南十里建天定堤截江溜厥後奇水迭更王家漭濱江淤塞白蕩湖內漲不消初夏晚秋江潮復入王家漭逆雙溪北趨琵琶山遶吳家嘴合李家溝出九兒潭爲門戶洪潮並激泥積成洲縱橫各十餘里可墾畝凡

數萬江潮逆入源港厥惟咽喉非建源開截江流疏北河以祛腹患不可蓋九兒潭以上中權情勢如此九兒潭以下南自烏泊圩北遶姚家岡老洲頭抵灰河凡五十里濱江多高岸居民輒度地爲堤爲北河外障自九兒潭東五里北岸曰橫山其內曰泛湖花山諸水注焉而並入於河橫山之下曰苧城其下曰水圍岡埠東西二十里在水中央河自苧城西分南北二派北派之北曰蝦兒港馬鞍山下諸水出焉又東北曰永樂菴又北曰下青山其西南諸水出焉而皆逼於苧城水圍不得肆水圍之南曰蒼湖位陳洋湖上陳洋湖者下游之總匯也其地西接蒼湖括苧城南北河之水融注其間又北曰周家潭自鴉山三公山東西二十里雄山疊嶂其下曰楓林諸河而蒼山爲右臂其左臂則龍王嘴瀦焉當戶綿亘凡二里曰四顧墩墩之南距老洲頭相望三十里其間則陳洋湖在焉蓋東鄉尾閭之所萃也其水既合苧城兩河而周家潭之水復至四顧墩畢會四顧之下曰官河東南出灰河爲桐城無爲分地而灰河已塞陳洋之西自烏泊圩抵灰河北至無爲之土橋凡八十里江岸彎環

如半月南高而北低至土橋河道獨狹東南萬山之水至是乃南入於江陳洋湖之下曰潘家泊冬涸則官河潘泊皆水而陳洋湖乃淤淖厥土上腴合九兒潭南岸接苧城水圍四顧墩傍官河爲堤至灰河可懇畝凡二十四萬蓋隩區云東南之山自廬江大凹口分道逼江山之大者以數十計故水之遠者至江逾二百里次乃百數十里近或數十里其勢必以開源港滂北河數十里達土橋爲順軌議者尤津津焉

桐東建閘疏河始末記下

東鄉河患自道光始父老言嘉慶時自蕩湖中道一線通舟冬涸履行可涉左右兩岸皆種稻蓄魚故東鄉最稱富庶吾嘗扁舟審河勢見橫山至水圍北道二十里兩岸皆田圩堤且著蓋道光三十年間皆水患河道湮塞厥由於斯悲夫遺民之痛疾流亡殆百餘年矣光緒九年邑人陳劍潭聞陳雲溪宰桐徒步百里入縣城上書請開東河治本計陳公許之而河議乃自此始焉二十三年于次棠中丞布政於皖下令求言邑人有范生者上書請疏王家滄灰河于公大喜檄桐令召士紳圖之於時陳劍潭方里居汪樸齋吳振卿輩建議召陳君任其役鄉人踴之馬通伯方處于公幕楊鶴崖吳雲舫請助許焉陳君乃巡上下度高低始議建閘源子港過江潮購機船疏烏石嘴以下至土橋出江棄灰河勿治復官制埂過灰河與潘泊山相關鎖擇天定隄上游製水箭鎮崩江繪圖撰桐東治略凡四卷所規畫特詳書呈于公大喜鈔存支應局擬飭通行許助白金七千兩而部派日賠款驟增皖年二十五萬金事

乃已明年陳君出于公復飭桐令建源閘未幾而于公去皖矣三十二年馮夢華中丞爲布政將大興墾牧堅請陳君助厥成陳君復以是書獻馮公驚喜復鈔之將行而陳君被讒去乃已聞者尤痛惜焉蓋邦人君子謀此三十年矣宣統三年辛亥啟文以改漕賦來宰是邦貢前議者踵相接是年夏大水東南圩潰冒暑奔走其間就觀形勢聞諸紳道陳君之議而壯之未幾武昌變作水旱兵革補救不遑乃集富紳捐款助隄工謀賑恤河事固未暇也民國初基紀綱未定餉糈奇絀列縣糧賦觀望徘徊於是都督有減免辛亥漕賦二成之通令而桐自丁漕改制夙弊蕩然輸將恐後奉令之日已納至九成以上爲全皖所無議會自治諸紳以惠澤之未均也詳請於次年壬子新賦補免二成格於例未許乃以王家滄河工上請陳瀆再三民國元年壬子冬始經都督柏財政司史准截壬子新賦一成與辛亥尾欠續收之款助河工得銀幣一萬三千餘元爲嚆矢命下積數十年所籌而未得者至是乃有成議焉於是羣情歡舞復獲富紳捐工賑餘款銀幣三千餘元壯其成維時啟文受代將歸

桐紳堅請督其役設局雙溪勘形勢時民國元年十二月一日也於時陳君方客都下爰取桐東治略核其言益歎其謀慮之精乃定開基源子港公舉張洪鈞吳南畧方新甫張芝山房子謙陳少山劉海門周本儒錢湘帆章煥卿吳聘臣史靜軒陳伯涵周佐臣諸君分其職鳩工它材並圖大舉首造月隄於源港錠椿沉石建開基分貼葉家坊霜字號老洲頭諸圩復官制埂張紳洪鈞赴滬定購挖泥機船爲疏河之用百務方興二年四月水大至開基月隄潰官制埂欵絀亦停機船亦道沒蕪湖江上天時人事兩值其窮余乃清諸欵撤局赴申江無復經營當世之志矣三年一月

啓文再任斯邦諸紳重伸河議年衰力薄懼弗克成顧秉性慙愚與利大工烏忍輟諸中道乃詳前兼使倪財政司龔准截借癸丑丁漕八千元以東南受益田攤補仍前趾爲開是歲十月一日開局重辦開工鳩役夫增木石公選汪樸齋吳南畧等監理鉅細周備甫程彤伯左霽川等司出納另延衡陽鍾振華監河開工事劉雨亭錢兩人分佐之初機船之沉沒也泰昌小輪實撞之張洪鈞訟於蕪得償銀幣三千五

百元復赴滬購機船以三年六月至工所十月水退乃裝配置諸河驗機之日水火交蒸竟日可取泥二百次重輒四千餘石萬衆歡呼詫爲盛事於是陳君劍潭返自都下見其狀益大歎乃起吳家嘴疏至九兒潭十六里凡七月淤結已舒而開工亦歲方建開之始就陳洲江圩兩隄間先浚河底圈月壩排錠椿木支架夯礮椿木密排夯礮不下實土既堅浮土全起則剉浮土截椿頭取厚重石板列其上而開基乃成開基既固乃砌開身層迭石條油灰灌隙鈎連石縫鍊鐵爲門依次砌築時若壁立開成高二丈四尺自內至外長四丈一尺大八字長二丈五尺轉角五尺小八字長二丈七尺轉角一丈八尺外口寬三丈一尺內口寬一丈四尺工竟乃請巡按使委濮君道宏勘其狀深歎異之乃開月壩築開隄置開板引水趨開通大河時四年乙卯六月七日也是開頂無梁舟往來無阻江湖漲落啓閉以時名之曰天安開詳請以鍾振華任開委監督之重其役也嗟乎疏河建開邦人君子經畫殆三十年重以于馮兩公之力時會未至不獲一覩其成何幸改革之秋人思安集截經漕始賑

羨濟之遂乃剋興斯舉然當顛厥之餘謗謠盡作逾年再起羅掘且窮挹注周章心力俱瘁古稱行之維艱豈不諒哉統計購機船一艘凡二次並疏河工費一萬八千元建閘凡二次工料費一萬七千元今江湖有障湖漲得宣復舊壑新可增萬頃而陳劍潭劉介夫錢惕臣等既就雙溪上築天定圩爲農墾模場周澄軒亦造同樂圩枕湖側誠得邦人君子遍墾荒蕪豈特東土遺民之福是役邑士大夫贊助者馬通伯鄭靖侯倪樸齋吳少耕張子尹吳樂卿陳淡如汪穀生張霽青張伯駿方慎之方效之姚叔節張月舟齊和甫張孝池錢秩孚吳新伯葉佳生諸君或籌畫於前或贊襄於後而東南兩鄉紳士尤合全力既厥功啟文衰庸謬任艱鉅獨賴諸士大夫之力樂觀厥成爰誌其顛末如此至若廢隄水箭修築未遑百里河流廓清有待力補財殫輒用旁皇是所望於邦人君子者已民國四年乙卯九月知桐城縣事浙嶸劉啟文記

報銷詳文

竊維振興水利難期旦夕之功銳意進行庶免半途而廢桐東王家濠建開疏河關繫四十餘保農田生計利且及於廬江羅昌河一帶啟文前次任桐曾籌洋一萬七千七百三十元詳奉批准設局開辦相度開基並在上海訂購挖泥機器船自民國元年十二月開始二年四月開工因大水而冲潰機船至蕪湖而沉沒是第一次變故迭乘幾至全功盡棄嗣與蕪湖泰昌小輪涉訟認賠船價洋三千五百元除去撫卹訟費所餘不及損失之半於是重購機船三年七月裝運到工存款全數動支尙不敷洋二千六百五十五元是第二次款難籌集工亦停歇當以事關三鄉利益烏可因工巨款絀聽其功敗垂成詳陳困難情形荷蒙 倪兼使設法維持俯准截借丁漕洋八千元於受益田內附加攤還計收洋四千五百五十八元一角八分七釐收廬江羅昌河受益田畝捐洋一百元三年十月一日廣續舉辦開工河工雙方並進士紳共謀公益昕夕經營啟文與監工委員鍾振華督率催釐計日課功諸事幸

皆順遂工匠亦頗奮勉四年六月開工告竣砌築如法河自吳家嘴起已挖至九兒潭十六里有奇可以直達土橋出江暢流無阻詳奉檄飭水利局委員濮君道宏杏勘驗收申送保固各結繪圖陳請 憲鑒迨經裝配閘板堵塞舊河當七月初旬江水盛漲之時內河水低四尺向來低窪淹沒之田均慶有秋村野農民歡欣鼓舞此後廢廠荒田亦得次第開墾歲可增收稻穀百餘萬石民亦獲保田廬十餘萬家藉副列憲籌興水利惠濟蒼黎之至意所有第一次支用洋一萬二千七百八十四元二角一分八釐第二次支用洋一萬一千一百零一元七角七分九釐第三次支用洋一萬五千五百九十二元六角九分收支兩抵計不敷洋五千五百九十二元二角稽核此次用款雖超過豫算之數惟事出意外致有耗損且堵塞舊河購置閘板鐵船添配機件堤工委員借支均爲原估所無冊內詳細登註應請鑒准核銷至奉准截借丁漕洋元詳定於受益田內攤還每畝收錢二百文計應徵受益熟田八萬六千一百零九畝上年除因災緩征每畝先收錢一百文計洋四千五百五十八元一

角八分七釐總計工程不敷洋五千五百九十元二角縣中無款挹注惟有仰懇恩施准將四年應收之二次河工捐每畝一百文先行彌補工虧再於民國五年展收一次解還省庫廬江羅昌河受益田五千餘畝亦照桐邑三次每畝收錢三百文一併湊解豫計收數有盈無絀庫款工虧均有着落分造節次收支各款冊摺具文詳蒙

各憲批行並奉 財政廳飭知奉

巡撫使李 批水利局詳核議前由奉批詳暨單據均悉桐城王家澗河工既據該局派委驗明工堅料實所有不敷之五千五百九十元二角應准於民國五年展收河工捐一次以便歸墊仰財政廳轉行知照等因在案

第一次支出計算書 自民國元年十二月一號起至二年四月底止

支出經常門

科目	原報計算書	備考
第一款河工局支數	一二七八四.二一八	
第一項開工	四.七八四.八九〇	張芝山方新甫經手
第一目石料	二.二五〇.〇〇〇	石工吳德麟胡文貴具領
第一節底石	四一四.〇〇〇	一丈四尺麻光條四十六根每根九元
第二節八字底石	一一六.一五〇	麻光條五十丈五尺每丈洋二元三角

十二

第三節兩頭接舌石	一七六.〇〇〇	六尺光條五十八丈六尺七寸每丈洋三元
第四節開牆並大八字	三二四.〇〇〇	青石正條一百六十二丈每丈洋二元
第五節釘石	一三五.〇〇〇	青麻石九十丈每丈一元五角
第六節附石	九八四.八五〇	毛條一千九百六十九丈七尺每丈洋五角
第二目椿木	一四八七.四八三	
第一節大松椿	八五〇.九〇〇	計一千二百七十支每支洋六角七分連川運在內江南梓來吳恕庵經手
第二節中等椿	五〇九.二五〇	計九百七十支每支洋五角二分五釐章西伯經手桃霞山梓來
第三節小椿	一二七.三三三	計三百八十二支每元三元支房義發承包交周佐臣經手

第三目土工夫役	七九二.二一〇	方新甫經手
第一節開塘	五三七.六〇〇	底寬六丈面寬八丈長十六丈深二丈四尺計土二千六百八十八方每方三角計洋八百零六元四角付三分之一
第二節月壩埂	二五四.六一〇	三方共長二十四丈脚寬六丈頭寬三丈高一丈計土一千五百三十方每方三角計洋四百五十九元付上數
第四目雜料	三五五.一九七	吳恕庵方新甫張芝山經手
第一節皮木	八二〇.九〇	計二百二十七支每元三支連行用下力在內
第二節石灰	一六〇〇.〇〇	四百八十石三十元一百

第三節伏麻	三三〇.〇〇	計二百六十四斤每元八
第四節鉛絲	六五〇.〇	計八十四斤半每元十三斤
第五節方板	一一七.九〇	計板十二方每方洋九角搬運費九角九分
第六節開板	二四.〇〇〇	松木板八塊每塊三元板不適用現尙存
第七節毛竹	五.〇〇〇	計一千五百斤每元三百
第八節篾纜	三〇〇.〇	計六十六丈每洋二十二丈
第九節麻繩	二七.四七	計二十八斤每斤洋九分八釐
第十節蘆蓆	一五.〇〇〇	七百零五張每元四十七

第十一節 蘆柴	七五七〇	計一百五十九個 每元二十一
第十二節 稻草	四五〇〇	計一千五百七十五斤 每元三百五十斤
第二項 堤工	七六七九二二	房子 贖經手具領
第一目 堤工 津貼	七六七九二二	
第一節 霜字號堤	六八七六八〇	堤長一千零八丈 每丈培土八方 計土八千六百四十方 每方價洋二角 計洋一千七百二十八元 由業戶自行擔任 洋九百五十五元 五角五分 河工局津貼 洋七百七十二元 四角五分 此次只付洋六百八十七元 六角八分 餘由第二次支付
第二節 吳家嘴堤	二〇二四二	試辦人工挖河築堤避水用短橋木四十四支 每支洋一角八分 計洋七元九角二分 土工三十六個 每

十四

第三節 陳家洲越	六〇〇〇	工洋二角 計洋七元二角 蘆柴二十二捆 每捆洋七分 計洋一元五角四分 小蘆席一百四十一張 每張洋四角 計洋五十六元四角 吳恩慶領
第三項 河工	五〇二二三〇六	退建越堤適在義塚之邊 檢埋枯骨每骨一具 用洋一元六角 共檢一百二十具 河工局貼洋六十元 餘由好善董事劉沛霖等募助
第一目 挖泥船價	五〇二二三〇六	
第一節 船價	四七三〇六三〇	內機船價四千三百五十八元 二角八分 駁船洋三十六元 川費用剩沉沒洋三百三十六元 三角五分 張洪鈞經手 王瑞巖領

第二節購船川資		二九一.六七六		張洪鈞赴上海訂購機船往來四次旅居數月所用
第四項局用雜支		二二八五.五七一		張芝山經手
第一目薪工火食	二二八五.五七一	一〇六六.一一八		
第一節薪工		七〇〇.一九一		總辦一員月支夫馬洋五十元坐辦一員會計一員監工二員採辦料木一員每員月支十二元護勇公役廚夫共十名每名月支二元全月薪工共支洋一百三十八元五個月計洋六百九十八元又張坐辦洪鈞等支洋十元一角九分一釐原報並入薪工項下實係川資用項後經歸併第二次河工甲度川資項下具有領據
第二節火食		三六五.九二七		總分局火食共十六人平均計月添火食洋五元一角八分五釐此項辦理河工除各職員常川住局外其餘各紳調查測勘會議奔走純粹義務不能不給火食故每月約添四五人之譜張芝山經手
第二目置辦雜用		二一九.四五三		吳恕庵經手
第一節置辦		八六.六八五		
第二節雜用		一三二.七六八		
第五項特別支款				
第一目撥還壬子丁漕加捐		九二三五.二九		